

Zeitschrift: Bündner Schulblatt = Bollettino scolastico grigione = Fegl scolastic grischun
Herausgeber: Lehrpersonen Graubünden
Band: 79 (2017)
Heft: 6: Beziehungsarbeit

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

Parantella anfignen ainten stanza da scola

I vign pretendia tg'ins antopa ainten las valladas pi pitschnas pi savens igls madems. Betg oter è chegl ainten las nossas tgesas da scola. Per exaimpel ò la scola Surses bung 180 scolars, dalla scoletta anfignen tar la scola superioura. Enqualtgi da chels scolars on betg angal ena relaziun d'amprender cun la persunga d'instrucziun, mabagn er ena relaziun da parantella, l'atgna famiglia anfignen ainten stanza da scola.

ZENGNA PITTET

scolar, 1. classa

la anclei betg pertge tgi la mia mamma am gida betg duple an scola, alloura fiss er ia tigls sperts. La davosa gEDA sunga sto fitg vilo cun mamma.

scolara, 6. classa

la vign siva da treis onns tar la mia onda a scola. Chegl è mai sto en problem, ia m'accorsch er betg tg'ia survagniss miglras notas. La mia onda è tot normal ena scolasta per me.

scolara, 1. superioura

Atgnamaintg vaia betg en problem tg'igl mies bab lavoura ainten la madema scola scu tg'ia vign a scola. Sch'igls oters scolars deian ensatge èn chegl igl ple tgossas uscheia betg logicas, tg'ia ignoresch chegl. Angal sch'el fò tgossas peniblas, scu per exaimpel murmagner cun ensatgi, alloura stunga mal.


scolar, 1. superioura

Igl proxim onn vaia alloura scola tar la mia mamma. Chegl am fò bagn en po da pansar, tge scharon igls oters? Anfignen ossa ègl ia bagn. la pains pero, tgi seia igl onn passo er sto malampernevel per ella, ia va gia dad eir differentas gedas tigl manader da scola.

mussadra, dus unfants carschias

Igls mies unfants vevan ansomma nign plascheir da neir tar me a scoligna. Igl mender era per els tgi lour mamma saveva

gio ordavant tge tg'ella survigna per Nadal. Per me scu mamma ègl sto fitg interessant da vaseir tg'igls mies unfants eran an scoligna digl tottafatg oters tgi a tgesa. A



tgesa igl unfant dominant ed an scoligna bargiva el adegna e cun chel unfant tg'ia veva a tgesa ansomma nign problem, disturbava angal an scoligna.

conjugals, lavouran ainten la madema scola

Nous duvragng angal en auto per eir alla lavour, chegl è franc en avantatg tgi nous tots dus luvragng ainten la madema scola. Gl'è pero sto da s'andisar tg'ins sa vei schi savens e schi dat a tgesa ena discussiun ègl da far attenziun dalla betg piglier an scola. Nous pruagn ansomma, da betg lascher influenzar la nossa veta privata antras igls temas dalla scola.

scolasta, dus unfants

Agl mies mat grond lessa mai ple dar scola. Nous vagn fatg ena schleta experientscha an chella tgossa. Cura tg'el era ainten

l'amprema classa è el nia zaccato digl gronds perchegl tgi la sia mamma era scolasta.

scolast, dus unfants

Sch'è pussebel instruescha betg mengia bleras ouras igls mies agens unfants. Schi vo pero betg oter, alloura vaia er gio instrua igl mies agen unfant e chegl è ia bagn. A tgesa pruainsa dad evitar tant scu pussebel igl tema scola. Igl unfant vigl ò adegna via pi loc l'antiera situaziun tg'igl unfant gioven.

scolasta, dus unfants

Igls mies unfants von singulas lecziuns tar me a scola. Per igl pitschen ègl anc grev d'ancleir tgi mamma è ossa scolasta e tracta tots madem, igl grond ò er gio ampruo schi fiss pussebel da far pi tgutg tar mamma tgi ensanouas oter.

soras, scolastas

la scu la giovna ed er noviza aint igl mastier da scolasta apprezzesch tgi la mia sora am so deir scu tgi chegl u l'oter funcziunescha. la la sa er dumandar las tgossas sainza retignientschas ed er tgossas pi persunalas. la scu la viglia cat en avantatg tgi nous ans cunaschagn fitg bagn, nous savagn per exaimpel scu tgi pudagn gidar l'egn l'otra. En disavantatg è forsa tg'ins vign pi spert ainten en conflict, scu tg'è chi e lò tranter soras. Nous tamagn pero tottas dus betg tgi la scola pigless igl suramang ainten la nossa veta privata.